

Ng'ang'ania Karibu na Yesu

Nasi na tujue, naam, tukaendeleo kumjua BWANA; kutokea kwake ni yakini kama asubuhi. Hosea 6:3.

Wakati Shetani anapokuambia kuwa dhambi zako ni nyingi kiasi cha kukufanya usiwe na matarajio yoyote ya ushindi mkuu kwa Mungu, mwambie, Biblia inafundisha kuwa wale wapendao zaidi ni wale waliosamehewa zaidi. Usijaribu kuhafifisha uovu wako kwa kuitolea udhuru dhambi. Hauwezi kusogea karibu na Mungu kwa imani hadi pale unapotambua hali yako ya kuwa mdhambi. Kisha unaweza kujiweka mara moja katika ahadi Zake na kwa imani isiyotetereka unaweza kudai kuwa na sehemu katika kafara isiyo na ukomo iliyotengenezwa kwa ajili ya mwanadamu. Ng'ang'ania karibu na Yesu na moyo Wake mkuu wenye upendo utakuvuta Kwake.

Siwezi kuamini kuwa yeyote ataweza kuondoka... bila imani zao kufanywa imara zaidi... kila hatua moja mbele wanayoichukua lazima iwe hatua ya imani. Kama wana uzoefu wa kidini ambao umesheheni imani, mmoja aweza kuwafukuza elfu na wawili watafanya makumi elfu kukimbia. Lakini vipawa vyote vile watakavyokuwa navyo, ujuzi wote na lugha ya ushawishi (umbuji) watakaokuwa nao, havitakuwa na manufaa yoyote hadi pale watakapojiweka wakfu kwa Mungu...

Mtume Paulo alitamani sana ndugu zake watiwe moyo "kwa zile faraja nazo alizofarijiwa kwenu." Wakristo wanapata faraja na nguvu ya daima ndani ya Yesu...

Hebu na tuatazame kwa makini utukufu wa Mungu. Tusiruhusu jambo lolote kuingia katikati yetu na Yeye. "Tukaendeleo kumjua BWANA," tutatambua kwamba "kutokea kwake ni yakini kama asubuhi; naye atatujilia kama mvua, kama mvua ya vuli iinyweshayo nchi." Ikiwa tu washiriki wa asili ya Uungu, tunapaswa kuakisi mfano wa maisha na tabia ya Bwana wetu mtakatifu. Hatuwezi kuwa wavivu kutafuta ukamilifu huu wa tabia.

Hatuwezi kuwa wakimya kwa watu wanaotuzunguka na kufikiri kwamba wengine watafanya kazi kwa niaba yetu. "Na kila mwenye matumaini haya katika yeye hujitakasa, kama yeye alivyomtakatifu." Tunapaswa kuwa watenda kazi pamoja na Mungu. Maisha yawe kwetu yenye unyenyekevu na bidii ya kufanya kazi ya wokovu kwa kicho na kutetemeka; kisha imani, tumaini na upendo vitadumu mioyoni mwetu, vikitupa bidii kwa ajili ya thawabu zinazowangojea washindi.

Adui asiye choka na mwenye kudhamiria ameandaa njama zake kwa kila roho ambayo haijajiandaa kwa majaribu na kulindwa kwa maombi ya daima na imani iliyo hai. Sisi peke yetu binafsi au kwa pamoja hatuwezi kuwa salama katika mashambulizi yake yasiyokoma; lakini kwa nguvu za Yesu kila jaribu, kila ushawishi pinzani, ukiwa wa wazi au wa siri, unaweza kupingwa kwa ufanisi. Kumbuka kwamba "mshitaki wenu ibilisi, kama simba angurumaye, huzunguka-zunguka, akitafuta mtu ammeze." Hivyo "mwe na kiasi na kukesha"

(Historical Sketches, 135, 136).